



Sagardo botila urte osoan salgai

**LARRE-GAIN**  
Tolare - Sagardotegia

943 55 58 46  
616 28 78 67  
Larre-Gain Baseria  
ERENOTZU  
HERNANI



**altzueta**  
HERNANI  
☎ 943551502

Urtarrilaren 27tik apirilaren 28ra irekita

*Txotx garaia zabalik!!*

**Eguzkitza**  
SAGARDETEGIA

Usabal Auzoa  
☎ 943 67 26 13  
TOLOSA

**OYARBIDE**  
SAGARDOAK

Astelehenetik larunbatera afariak eta larunbata eta igandetan bazkariak. Igande gauak itxita.

Oiarbide Baseria · ASTIGARRAGA  
TLF. 943 55 31 99

## Gaztañagak irabazi du Euskal Herriko III. Sagardo Txapelketa Herrikoia

J.S. | AZPEITIA

**A**ndoaingo Gaztañaga sagardotegia izan zen irailaren 30ean Azpeitian jokatu

tako Euskal Herriko III. Sagardo Txapelketa Herrikoia irabazlea. Berrehun herritar izan ziren epaile bihurtu eta sagardo onena aukeratu zutenak.

Guztira Euskal Herriko 41 sagardotegik hartu zuten parte 2017ko txapelketa honetan, baina finalean 12 sagardo dastatu eta puntuatu zituzten, aurreko egunetan finalurrekoak jokatu baitziren Ordizian, Andoainean, Zarautzen eta Oiartzunen.

Ohikoa den bezala, Azpeitiko finala ere afari baten inguruan egin zen. Bertan berrehun lagunek baino gehiagok hartu zuten parte eta guztiak izan ziren txapelketako epaile, hori baita lehiaketa honen berezitasun nagusia; epaileak ez direla adituak, herritarrek baizik.

Epaile lanetan aritu ziren herritarrek ez zekiten zein sagardotegitako edariak dastatzen ari ziren. Afariaren amaieran eman zuten puntuaketen berri eta bertan Andoaingo Gaztañaga izan zen puntu gehien eskuratu zituena (1.555,5 puntu). Bigarren postuan Adunako Aburuza sagardotegia sailkatu zen (1.486,5 puntu) eta hirugarren tokian, Astigarragako Iri-



Gaztañaga sagardotegiarentzat izan zen txapela. GIPUZKOAKO SAGARDOGILEEN ELKARTEA

goien-Herrero sagardotegia (1.450 puntu).

Irabazleak txapela jantzi zuen eta lehen hiru sailkatuek Eusko Label eta kalitatezko zigilua duten produktu sorta bana jaso zituzten HAZI fundazioaren eskutik, baita Gipuzkoako Sagardogileen eta Azpeitiko Udalaren oroigarriak ere.

Sagardo Txapelketa Herrikoia 2015ean abiatu zen Azpeitian, 2016an Andoainean jokatu zen eta 2017an Azpeitira itzuli zen berritua; «horrelako txapelketa batek eskatzen duen azpiegituran eta antolakuntzan ezinbesteko ekipoa bilatu dugulako azpeitiarren artean», Gipuzkoako Sagardogileen elkarteak azaldu zenez.

Hala ere, lehen edizio hartatik hainbat aldaketa egin dira eta aukeraketa sistema hobetzeko neurriak jarri dira. Horrela, due-

la bi urteko finalean, kanporaketak eta azken sailkapena egun berean egin ziren, baina azken edizioan finalean parte hartu duten edariak izan dira finalurrekoetan sailkatutako lehen bi lote onenak eta lau finalurrekoetan puntuazio onena izan duten lau sagardoak.

### SAILKAPENA

1. Gaztañaga (Andoain)
2. Aburuza (Aduna)
3. Irigoien-Herrero (Astigarraga)

### GAINONTZEKO FINALISTAK:

- Akarregi (Hernani)
- Larre-Gain (Hernani)
- Lizeaga (Astigarraga)
- Oiarbide (Astigarraga)
- Ola (Irun)
- Rezola (Astigarraga)
- Rufino (Hernani)
- Setien (Urnieta)
- Urdaira (Usurbil)

## Gipuzkoako XVI. Lehiaketa, Altzueta sagardotegiak

Hernaniko Altzueta sagardotegiak irabazi zuen ekainaren 3an Donostiako Euskal Gastronomi Anaiartearen jokatuako Gipuzkoako Aldundiaren Sagardo Lehiaketaren XVI. edizioko finala.

Gipuzkoako 29 sagardotegik eman zuten izena, eta finalera honako sei sagardotegiak ailegatu ziren: Aburuza, Altzueta, Etxeberría, Gartziategi, Gaztañaga eta Sarasola. Aldundiko Fraisoroko laborategian ikasi eta diplomadun diren dastatzaileek osatutako epaimahaiak aukeratu zuten irabazlea.

Aurtengo lehiaketako sagardogile irabazleak 3.000 euro eta txapela eskuratu zituen Ainhoa Aizpuru Ekonomia Sustapen, Landa Ingurune eta Lurralde Oreko diputatuaren eskutik. Bigarren sailkatuak 1.500 euro irabazi zituen, eta hirugarrenak, berriz, 1.000 euro. Ohikoa den bezala, lehen hiru irabazleek Donostiako Bidarte baserriko «karreto barrika» ezagunaren erreplika bana eskuratu zuten.

1. Altzueta (Hernani): 82 puntu.
2. Aburuza (Aduna): 80 puntu.
3. Sarasola (Asteasu): 70 puntu.



Altzueta sagardotegiak jaso zituen txapela eta garakurra. GARA